

Inatsisartut Suleriaasianni § 37 naapertorlugu Naalackersuisunut apeqqute-qaatit imaattut saqqummiuppakka:

Apeqqutit:

- 1. Nunatta kujataani saarullinniarnermi tulaassisussaataaneq qanoq nakkutigineqarpa?**
- 2. Naalackersuisut aalajangersimanerpaat tulaassisussaataanermi suliarinneqqiisarnissaq atortinneqassasoq?**

(Inatsisartuni ilaasortaq Ineqi Kielsen, Siumut)

Tungavilersuut:

Ulluni makkunani kilisaatit saarullinniutit Narsamut tulallattaapput. Taakkuna-nga takussaapput saarullit niaquiinnariarlugit qeriteqqinneqartartut.

Naalackersuisut naleqarnerulersitsinissaq anguniarlugu siunniussaat eqqarsaati-galugu suliareqqiisarnissaq atuutsinneqartariaqarpoq, minnerunngitsumik Kom-mune Kujallermi nunatsinni suliffissaaleqifiunerpaat ilaanni suliffissaaleqinerup akiornissaa pisariaqarpoq.

Assersuutigalugu Narsami ukiuni kingullerni pingasuni piffissami uani inuit sulif-fissaaleqisut allattorsimaffianni akunnaallisarlugu suliffissaaleqisarput inuit ataa-siakkaat 169-it, massakkorpiarlu suliffissaaleqisuni allattorsimaffiit Nunatta Naat-sorsueqqissaartarfianni allassimasut kingulliit malillugit majimi inuit 165-it sulif-fissaaaleqillutik.

Illoqarfik taama inuttunngitsigisoq taama amerlatigisunik suliffissaaleqisoqarfiu-soq, suliffissaaleqisunik ikilisaaffigineqassappat aalisakkat tulaanneqartut sulia-

Ulloq: 08. jul. 2015
Postboks 357
3900 Nuuk
Tlf.: +299 32 20 77
Fax: +299 32 23 19
Mail: siumut@siumut.gl
Web: <http://www.siumut.gl>

reqqillugit ilutigitillugu nalittorsarlugit tunisassiarineqarnissaat tassaavoq sulif-
fisaaleqinermik akiuiniarnermi aqqutissaq sukkanerpaaq oqinnerpaarlu.

Tamakkuukua ilaatigut toqqammavigalugit tusarusukkiga qanoq tulaassinermi
suliarinneqqiisarnerit nakkutigineqarnersut.

Apeqquteqaatima ullut suliffiusut qulit iluanni akineqarnissaat kissaatigaara.